

QUÆDAM COLLECTIONES MEDICÆ

DE OPTHALMIA,

QUAS, in Augustissimo Medico Monspeliensi Apollinis Fano propugnandas, ordinaverat JOANNES-BAPTISTA MAYET, è loco *Lisle*, Diœcesis Petracorensis apud Aquitanos, in Artibus venerandæ Universitatis Pictaviensis Licentiatus, jam-dudùm Medicinæ Alumnus, interque ejus Studiosos quadripartitæ Syndicaturæ vicem unam S. gerens.

Pro primâ Apollinari Laureâ consequendâ.

PARENTIBUS SUIS DILECTISSIMIS

Dicat, vovet

Addictissimus filius
J. B. MAYET.

Abundante sensu verba deficiunt.

DE OPTHALMIA.

I. **C**UILIBET inflammationi communia signa, v. g., rubor, dolor, ardor, &c. (a) in oculis promota, præsentem indignant ophthalmiam.

I. (a) Hæc vulgata inflammationis signa, ipsi non adeo necessariè neçtuntur quin pleraque defuisse visa sint, ubi quidem de inflammatione prægressa nullum dubium moveri posset; illud asserum anatomicis observationibus, circa viscerum phlogosim potissimè nititur; attamen si quædam ex recensitis signis reperiatis conjuncta, licet omnia haud eruperint, nonne idcirco ophthalmiam argues? sic ophthalmiæ præludiis primus alludit spasmus dolorificus, huic dein accedit rubor, & vice versâ, in ophthalmiis etiam antiquis, vasa quædam

A



his signis variæ affixæ sunt modificationes, dolor enim modò nullus, aut levis, pruriginosus gravans, modò vehemens lancinans, pungens, pulsatorius. Rubor in principio quandoque desideratur, semper verò comitatur, aut modicus non ultrà adnatam procurrit, ipsius album quasi radiatim discriminans, aut intensior omni albedine extincta totum perfundit globum, ita ut ipsa cornea, intùsque uvea rubeant (*b*). Tumor interdum nullus, aut parvus ex rubore solummodò percipitur, alias admodum insignis observatur, quippè qui adnatam cui præsertim insidet, in aggerem circà corneam elevet, & hæc ultima intrà foveam uti depressa videatur. Hæc omnia continenter, vel remissiùs acriùsve per intervalla vexant (*c*).

2. Nunc, ad phænomena soli ophthalmiæ propria, quadantenùs oculorum fabricæ, ipsorumque nexui cum partibus vicinis plùs minùsve simul læsis peculiariùs referenda, descendamus. Duplex oculorum habitus, nunc à naturali parum abludentes, aut valdoperè sicci, pulverulenti, velut lapidei occurrunt, nunc humoris profluentis latici innatant, cujus interdum tanta acrimonia, ut efflorescant phlictenæ vel generentur ulcera, in limbis palpebrarum ipsâmet corneâ, &c., genæ aliæque partes subjacentes excorientur, imò quandoque ad ossa usque erodantur (*a*). Lucis suboritur dolorifica sensatio horror-

rubra in adnata eminent, & ruborem sine dolore producunt &c. (*b*) Teste *Schmukero* uvea & choroïdea sæpenuerò rubent. . . . Inspicientibus iris quandoque rubra apparet *Boerhaavius*. . . . Ipsam quoque corneam rubuisse observavit *Gendron*: at sæpiùs notante adhuc *Schmukero*, in chemosi cornea evadit solitò crassior, opaca, albuginemque ostentat, &c. (*c*) A præfatorum symptomatum vehementiæ gradu ophthalmiam metientes, hanc diviserunt auctores, in levem quæ *taraxis* & gravissimam quæ *chemosis* dicitur. Liceat nos his vocabulis uti, quanquàm meris apparentiis affigantur, neque rarò symptomatum facies deprehendatur fallax, etsi etiam nos lateat usquequò extendatur *taraxis*, & quandonam in chemosim migret. Ophthalmiæ habitæ sunt aliæ divisiones, à diversâ ipsius sede, duratione, habituque petitæ quas equidem notabimus, at ultrò missas faciemus, iis magis genuinas subrogaturi.

2. (*a*) Pro hoc vario habitu oculorum, in *siccam* & *humidam* dispertita fuit opht.; sicca ad chemosim aut taraxim vergit: in 1^o. casu, tumor, dolor insignes, siccitas vera seu *scheroma*; in 2^o., notante *Celso*, « neque tument, neque fluunt oculi; sed rubent tantum, & cum dolore quodam ferè levi, ac prurigine graves sunt, & palpebræ citrà duritiem ullam noctù prægravi pituitâ inhærescunt. » Lotu emollienti frequenter repetito, *scheromati*, nimioque bulbi calori obviàm eundem est, ne corneæ pelluciditas pereat, specialius verò ubi lagophthalmus aut exophthalmia obtinent, aut efformantur sordes seu gramæ, quæ haud sufficienti sero dilutæ, in crustas abeunt, sive

que (b). *Myosis* etiam deprehenditur, seu spasmus pupillæ, qui adeò validus est aut inæqualiter dispersus, ut nullum remaneat vestigium *core*, aut ipsi variæ inducantur figuræ. Ut ut inflammationem adnatæ plerumque presso pede subsequitur internæ palpebrarum superficiei inflammatio, hæc bulbi velamina tempore somni, aut ex proprio tumore sibimetipsis contigua, spissæ ope materiæ è glandulis *Meibomii* exsudantis, ad se mutuò simul cum ciliis coalescunt (c). In chemosi palpebræ tumefactæ, inprimis inferior, sæpè evertuntur, subindè eversionem seu *ectropium* promovet globus protuberans (d), tarso enim extrorsum retorquens, ipsos ad se invicem accedere non permittit (e).

bulbo sive tarsis accrescentes. Ophtalmia humida ad taraxim aut chemosim proprius accedit, prout *epiphora* seu ex oculis cujuscumque humoris profluvium, insigni acrimoniâ destituitur aut præditur. In genere ficas gravitate superant humidæ; in chemosi humidâ palpebræ inflammatione nunquam immunes, dolores continui, &c. Epiphora, sæpius incipiente morbo, aut ferius aliquando, oboritur; nonnullis profluvium est continuum, aliis verò tunc solummodo accidit dum palpebræ oculum tegentes aperiuntur; humoris profluentis copia quandoque est incredibilis, ex *Oerlingii* observatione apud *Trnka*. « Aurifaber opht^m. e cephalalgia à mercurii fumo hausto cum virium debilitate, anorexia, vigiliisque concitata nactus est cum tanto feri limpidi ex oculis per intervalla profluvio, ut per 3 vel 4 hor. illud velut è gutturnio fluens vasis colligi potuerit. » Epiphora *serosa* est aut *saniosa*; *serosa* ubi, « serum lacrymis fervidis mistum ex oculis ubertim profluit, atque hæc species longè frequentissima est; *saniosa*, ubi sanies purulenta ex discussis abscessibus aut ulceribus saniosis ad oculos translata eos inflamat, inde que iisdem prædita dotibus, cum queis aut in abscessu coercebatur, aut ex ulcere patulo profluebat antea, jugiter dimanat *Trnka* ». Ubi puncta lacrymalia in suis functionibus impediuntur, epiphora obsevat, quin laticis lacrymalis secretio aucta sit &c. Humor puriformis ex marginibus palpebrarum exsudans specialiter dicitur lippitudo. (b) Hæc dolorifica sensatio adesse potest, licet partes oculi internæ nullâ inflammatione laborent. (c) Coalitus ille palpebrarum dicitur *anchyloblepharum* spurium. Ne autem dubium moveatur circa verba quæ diverso aut multiplici sensu apud auctores accipiuntur, omnes quorumcumque interesse potest monitos volumus, usui nostro inservire nomenclaturam illust. *Plenck* de morb. ocul. (d) Exophthalmia est tanta oculi intumescencia, ut palpebris tegi nequeat, non solum à validissimâ bulbi inflammatione, sed etiam ab *hypopio* opht^m. effectū aut metastatico, ab *hypæmate*, hypogala, congestione sanguinis qualis observatur in parturientibus strangulatis, oriri potest &c. (e) Hæc impotentia palpebras claudendi vocatur *lagophthalmus*, illam causare valent præter exophthalmiam, encanthis inflammatoria, staphiloma, seu corneæ prominentia ex præternaturali suæ substantiæ opaci-

Præ enormi palpebrarum intumescencia aut spafmo, ipfarum, fed superioris potiffimùm accedit *blepharoptofis* feu phymofis, in primo cafu haud folo voluntatis arbitrio, in fecundo vix etiam digitis aperiri queunt; utroque autem notabili tumore, bulbi nempè ac palpebrarum fimul existente, tantæ molis oculus effe sæpè videtur, ut, ovi gallinacei pugnive magnitudinem æmuletur. Interdùm palpebræ limbis fuis introrsùm ita vergunt, ut de tarris & ciliis nihil omninò confpiciatur (*f*). Vifus in oph. minuitur aut impeditur, quod ex intolerantiâ lucis feu *photophobiâ*, anchyloblepharofpurio, myofi, corneâ opacatâ palpebrarum fpafmo, &c. arguitur. Dolor capitis oph.^æ fupervenit, aut ipfi aliquandiù præludere folet, ut plurimùm pulfatorius eft, aut punctorius, partes internas externaſve divexans, uno tenore vel periodicè decurrens; oph.^a monoculâ laborantibus hemicrania sæpiùs è latere oculi affecti accidit: haud rarò per confenfum oculo fano fuboritur dolor (*g*).

3. Varia eft. oph.^{um} duratio, aliæ enim fignis fpecie gravibus ftipatæ, promptiùs curfum fuum abfolvunt, at præter morem graviorum inflammationum, pluries in longius excurrunt tempus; aliæ haud truces minas invehentes, & tardiori paffu procedentes, plures menses annosque durare ſolent (*a*).

4. Febris haud rarò in taraxi abeft, huic adoleſcenti fupervenit, interdùm ipfi præmittitur, nunc æquâ fronte curriculum ineunt, alias febris difceſſæ ophthalmia ſuperſtes: chemofi sæpiùs comitatur; hinc habenda febris tanquam phœnomenon ophthalmiæ accidentale, ipſius naturam non ingrediens (*a*).

tate & craſſitie &c. (*f*) A tali palpebrarum conditione feu *entropio* inſeparabilis eft *trichiaſis* ni deficient cilia. (*g*) Non ex dolore ſolo evincitur oculorum confenfus: ſiquidem alteruter quomodocumque affectus alteri eandem labem communicat: ſic opht. monoculæ, gravi & diuturnæ fupervenit oculi ſani inflammatio. « Sic ab unius oculi amauroſi, ſenſim etiam alter oculus obcæcatur. . . . cataracta unius oculi facillimè intrâ aliquot annos alterum oculum afficit, ni tempeſtiva cataractæ primæ extractio fiat; hac autem non rarò alterius oculi cataracta præcaveri poteſt. » *Plenck*.

3. (*a*) Hæ *acutæ* dictæ, febrem habere comitem, iſtæ *chronicæ* nuncupatæ febre deſtitui, potiffimùm videntur: poſteriores continenter durant aut crebriùs recurrendo in diuturnitatem tendunt. In 1^o. cafu nomen proprium retinent; in 2^o. vagæ vel periodicæ dicuntur, quatenùs incertis aut ſtatis temporibus revertuntur.

4. (*a*) Febres intermittentes ſub opht.^æ larvâ deliteſcere amant; tale confortium aut potiùs naturam communem præſumere haud ineptum eft; ſi per paroxiſmos affligat, recurſus patiat, tandem iſdem remediis auſcultet ophta. Licet febres larvatæ à quâcumque cauſâ materiali pendere poſſint, nihilominùs ubi ſub periculofî ſymptomatis habitu, *vitæ infidias ſtruunt*, citò citiùs cortice ſunt ſufflaminandæ, &c.

5. Potiorem juxtà ac sequiorem sexum infestat iste morbus nullamque ætatem respiciens à cunis ad annos usque decrepitos vagatur.

6. Evolutionem ophthalmiæ promovere valent varii stimuli externè oculis applicati, quales lux nimium vivida è directo missa vel reflexa (*a*), lucubratio immodica, microscopiorum abusus eò magis noxius quò in eorum usu oculorum alteruter alio magis defatigatur, caustica, acidave illapsa, volatilium sterora, pulveres acres in oculos auferendæ maculæ gratiâ insufflati, vapores exhalationesque irritantes oculis submissa (*b*); asperitates in internâ palpebrarum superficie enatæ, quales carunculæ, pustulæ duræ, sabula ipsis infixa, hinc varium *trachoma*; cilia aut palpebrarum tarsi introversa, varia fragmenta aut ramenta oculis illisa, seu scintillæ ex accenso pulvere pyrio, sive alæ muscæ pili pulvini, scorix ferri (*c*), paleæ frumenti sub trituratione insilientes (*d*); atmosphæra pulverulenta (*e*), læsiones externæ, quales contusiones, com-

6. (*a*) « Omnes ferè incolæ Asiæ æquinoctialis strabones & nyctalopes sunt; hi interdum (*noctuarum ad instar*) album oculi tantum ostendunt, pupillam autem sub palpebris recondunt, ne à radiis solis quos arenosum solum reflectit lædantur. » *Plenck*. . . . Orientales alii in vivido solis per aërem ferrenissimum splendore, supercilia sua antiquissimo more nigro colore tingunt. Ubicumque perpetuæ ferè nives & solis circa horizontem circummeuntis radii oculis periculum intentant, secundas palpebras arte sibi parare necessitas gentes barbaras docuit, propè in eo uno ingeniosas. *Portelsfeld*, *Kempfer*, amæn. exot. apud *physiol.* D. de *Haller*. (*b*) *Lapponibus*, *Finnis*, *Norvegis*, qui in fumo perpetuo versari coguntur familiares sunt lippitudines, ophthalmiæ. Cloacarum exhalationes foricariis sæpissimè ruborem oculi evanidum & quandoque opht.^m inducunt. . . *Paulus Æginetus* frequentiam opht.^m apud Ægyptios à volatilitate acri & lacrymosâ ceparum repetebat; at ipsam in constitutione Ægypti calida & humida reponere satius erit. . . Fuci quæis mulieres faciem adornare solent, opht.^m adducere videntur & duplici modo. 1^o. Si oculis quoque admoveantur & acrioribus consent; 2^o. si oculi illitione immunes non in eadem ratione quâ cæteræ partes vultûs roborentur tunc quidquid morbosum ad caput evehitur, intrâ ipsummet colligitur aut versùs oculos erumpit. (*c*) Ubi scoria ferri corneæ aut adnatæ infixa, instrumentis apprehendi nequit admoto magnete, feliciter interdum educi potest; at magnæ cum quibusdam cautelis admovendus. « Illud hortor, inquit *Morgagnius*, ut modicarum virium magnetem, eumque cautè ac sensim magis, ut licere intelliges, magisque admoveas, ne fortè ferrum arctius hærens, necdum tempestivâ tractione ejus, cui infixum est, partis dolores augeat ». (*d*) Eruncandis paleis oculo infixis parùm opitulatur *succinum*. . . . Globosæ moleculæ, quales lapilli cancrorum aut salviæ hominum semen unum palpebras & bulbum interposita, crebrâ volutatione aliud corpus invitè illapsum sæpè ab adnata avellunt, foras eliminant. (*e*) Qui itinerantur sub atmosphærà pulveru-

bustio, vulnera plùs minùsve gravia (*f*), cataractæ operatio (*g*), oculi fric-

lentâ larvas oculis vitreis armatas induant. (*f*) Si ab oculi vulnere, contusione, cruoris intrâ cameras oculi fiat effusio, illud accidens dicitur *hypæma* quod etiam à puncturâ iridis, ut in operatione cataractæ quandoque contingit, à tussi vehementi, vomitu, nisu parturiendi, &c. oriri potest. In hypæmate, si pupillam obstruat sanguinis trombus, qui nullatenus resolvi possit, tunc adest *synizesis spuria* seu pupillæ obturatio quæ alias à glebâ mucosâ aut purulentâ originem trahit, &c. Post vulnera corneæ accidit subindè prolapsus iridis; hæc uveæ hernia nomine *ptosis* per ulcus corneæ fieri quoque potest. Recensitis accidentibus subjungenda *sinechia*, seu iridis concretio cum corneâ aut capsulâ lentis cristallinæ, huic ansam ordinariè præbent aut corneæ collapsus post jacturam humoris aquei, aut ptosis, hypopyum, &c. (*g*) Post depressam etiam sed multò frequentius post extractam cataractam oboriuntur opht^æ.; ab operatione intempestivè susceptâ, extractionis repetendi sunt infauti successus: quare circumstantias instituendæ operationi inopportunas & ex *Stolio* pro maximâ parte depromptas hic transcribere juvat: hæc utinam, velut venerandi praxis circumspectæ canones, oculistarum memoriæ, quibus (*proh luctus!*) solis plerùmque committuntur ægri, altè maneant repostæ! at id hominum genus, plerique veri agiatores, cum nihilum aut perparum artis medicæ calleant, medicos, quos non fugit epidemiæ regnantis, cœli ægrique constitutionis, tempestatum etiam ratio composita, sedulo abarceri curant. . . . Ut plurimum infelix est extractionis exitus, ubi rheumaticus vel arthriticus dolor alicubi ægrum vexat, ubi tumor genarum, aut cephalæa, aut hemicrania temporumve dolor affligit, aut frequens opht^æ. vel erysypelas aliudve exanthematum genus sæpè recurrens, aut dentium & gingivarum prava conditio, aut ozæna, aut catarrhus, tussis longa, vomitus vagus; ubi pustulis herpetibusve obsita est facies, aut alterutra cornea opacari incœpit, aut oculus vasis sanguineis amplioribus aut varicosis perreptatur, aut laborat æger morbis convulsivis, v. g., hysteris, epilepticis, quorum frequentes insultus, tetanum oculi * nyctagnumve ** habeant comilitones (* id est spasmodicam constantemque musculorum bulbum moventium contractionem. ** Id est convulsivam seu invitam bulbi agitationem) aut alvus constricta, aut humorum vitiata crasis, tandem in genere tempestatibus quæ phlogosi favent, & quibus caput potissimum impetitur. . . . Aliundè depressio extractioni præfereuda est; 1^o. si ægrotus nictitatione palpebrarum vel bulbi convulsione labore; 2^o. si oculus nimis profundè in orbita locetur; 3^o. si cornea nimis plana ut in præbytis est; 4^o. in infantibus qui nec oculum nec caput in requisitis pro operatione, quiete & situ servare possunt. *Plenck*.

Quibus amaurosis, aut glaucoma vel synchisis adest, iis depressio extractiove frustrâ instituerentur. Nunc verò quibus extrahenda cataracta, aptum corpus reddatur operationi subeundæ, quare sistatur *præparatio* quæ morbos actua-

tiones improbæ (*h*). Hic etiam locum habent aliæ causæ procatarcticæ, in oculos immediatè neutiquam agentes, penes quas tamen est oph^m. sicut & alium quemcumque morbum arcessere; ergò varia peccata in sex rebus non naturalibus, anni quoque tempestates, cœlique constitutiones non immeritò accensebimus.

7. Ophthalmia vario modo ad exitum vergit, aut generatim resolvitur, aut è contrà sibi met adjunctis gravioribus symptomatis intenditur, tunc oculi capitisque dolores pulsant, noctes redduntur insomnes, &c. intereà bulbus aut rumpitur, aut pus colligit, aut horribili fato schirrosus cancrosumve induit habitum; inflammatio pus colligendo, abscessus aut ulcera facit.

les avellat, imminentes avertat; quoàd prophylaxim sanguinis missio & diæta universim celebrantur, *observatis observandis*, itaque si habitus ægri sanguineus, athleticus, anni tempestas, cœli constitutio, dispositionem inflammatoriam profiteantur multam, tunc sanguinis major copia detrahenda; quando cacochyliæ in genere primas vias inquinat, hæc tantò citiùs everrenda quantò majores testatur minas epidemia regnans: (etenim, ut vidit *Stoll*, in constitutione rheumaticâ *originis gastricæ*, si quæ pars corporis antea imbecillior aut malè affecta fuerat, in eâ potissimùm figebatur *rheuma*; sic oculus quocumque illabente pulvere aut vulnere inflicto irritatus, rheumatis evadebat sedes eâ ratione ut irritatio febrem rheumaticam invitasse videbatur, & febris oph^m. induxisse.) Si nulla prævaleat dispositio morbosa; attamen hinc & inde serpat morbus *communis*, ea estote prophylactica auxilia, quæ levissima, epidemiæque pericula minuant. « Præstat, inquit *Stoll*, in nosocomiis separato cubiculo committere, cui lentem volueris extrahere; inter alios enim ægros decumbentes, aëre vescuntur immundiore, & in febres tunc epidemicas faciliùs labuntur. » Denique si generalis humorum crasis alterata, antea corrigenda est. . . . Procul, longè procul à praxi medicâ, præparationes illæ diuturnæ, vires hominis plerùmque sani perperam frangentes, quas instituunt oculistæ quidam, hi ex chirurgis præcipuè, hostem ignotum reformidantes arma quæcumque in usum vocant, quadrata rotundis miscent, sæpèque sæpiùs morbum, quo antea immunes erant ægri, advocant. Istiusmodi oculistas meritò redarguit *D. Pellier de Quengsi* mém. & obs. pag. 128, ipsemet redarguendus, ex eo quod tempestatis, constitutionis, epidemiæque regnantis nullam habeat rationem, solamque inter magna auxilia prophylactica sanguinis missionem salutare videatur, &c. *Stoll* « sibi videtur observasse eos quibus sub extractione aliquid humoris vitrei effluxerat, ab inflammatione tantoperè metuenda magis fuisse immunes. » (*h*) Infantes nosocomii generalis Monspeffulani, *olim* lana sibi oculos confricabant, ut subortâ oph^t. labore vacarent. Vide synopsis morb. oc. coll. th. tom. 14, ex Sancti Elosii nosocomii Monspeffulani bibliothecâ, quam solam & rarissimè quidem in usum suum vertere, *præclaris mihi que carissimis Medicinæ studiosis* datur.

(a) Hypopium est puris collectio, quæ intrâ cameras oculi fit, prægressam iridis inflammationem, aut abcessum ulcusve corneæ, arguens. Hypopium visu patet, ni cornea staphilomate obsideatur, aut alio modo penitus opaca evaserit. Apparet liquidum albidum, mobile (b) mediam vel totam oculi cameram occupans, iridem plus minusve abscondens, visum pro parte, vel integrè obscurans. Pus interdum adeò coacervatur ut exophthalmiam, aut oculi rupturam cum fragore producat: aut resorptione impeditâ, mora & calore acrius factum corneam exedit, subsequente humorum prolapsu (c). Qandòque pars tenacissima puris, capsulæ cristallinæ accrescit, ad instar membranæ crassæ, & sic dictam *cataractam purulentam* efformat. Apud hos synyzeis spuriam aut synechiam causat, apud illos oculi fundum petit & dissoluto humore vitreo, *atrophiâ bulbi purulentam*, seu phthisim inducit.

Fiunt aliæ puris collectiones inter adnatæ aut corneæ lamellas; adnatæ abscessus, si sit superficialis, ex tumore circumscripto in ejus superficie exstante dignoscitur, si sit profundus, partialis adnatæ non deprehenditur protuberantia, in hoc casu non aliter quam ex præsentē & prægresso inflammationis statu, abscessum conjicere possumus, *Gendron*. Pus quandòque colligitur intrâ papulas, quæ suprâ corneam aut adnatam elewantur (d). *Onix*, id est, abscessus corneæ (e) maculam albam fluctuantem præbet, aut superficialis est & facilè evanescit, aut profundè inter lamellas corneæ hæret, tunc introrsum aut extrorsum rumpitur, si prius hypopium facit, si posterius corneæ fistulam relinquit (f). Alias pus exsiccat & in *leucoma* abit (g)

(7) (a) Hypopium non est semper inflammationis effectus; nam ipsius quandoque evadit causa: sic hypopium à metastasi oritur, sine prægressâ opht.^a, ipsam è contrâ inducere observatur. (b) Non solum in hypopio ponè corneam adparet, liquidum album, &c. sed prætereà in hypogala apud puerperas, sub depressione cataractæ lacteæ; vix enim incisâ per acum capsulâ, ab effluente liquido albo, illico albescit humor aqueus. (c) Vulgò mitescunt, facto pure, inflammationis signa; at plerumque non ita se res habet in opht.: pus enim hypopii aliorumque abscessuum, insigni acredine sæpius donatum, inertiam contineri nequit, aut humorum oculi corruptelam molitur, aut corneæ vel adnatæ lamellas erodit; &c. Tunc longè abest ut remittat inflammatio, è contrâ intenditur, vel saltem eodem tenore habituque perseverat. (d) Post extractionem cataractæ, ubi deligatur oculus, maximè cavendum est ne introvertantur cilia: irritatæ corneæ insurgunt *papillæ* quæ pus colligunt nique citò aperiantur, formidabilem acciunt inflammationem *Pellier de Quengsi*. (e) Onyx ab hypopio facilè distinguetur, si totam corneam non occupet, & ponè illam conspiciantur iris & pupilla. *Gendron*. (f) Fistula penetrat vel non: *penetrans*, dignoscitur stylo, effluxu humoris aquei, subsidentia corneæ, &c.; non *penetrans*, corneâ non collapsâ, &c. (g) *leucoma* est macula corneæ, penitus opaca, non fluctuans, immobilis, &c.

ulcera

ulcera corneæ & adnatæ, aut immediatè ab inflammatione prægressa, aut ab abscessu disrupto oriuntur, aut phlictenas, pustulas acrimonia humoris circà oculos depluentis prognatas, excipiunt; ulcera ex pustulis habentur pessimi moris; generatim adnatæ rubedinem, corneæ albedinem impertiunt. Corneæ ulcus, nomine *helcoma* in internâ vel externâ ejus superficie sedet, in posteriori casu aut brevi evanidum citò coalescit vestigia parùm luctuosa relinquens, aut diuturnum & pertinax sanatur tandèm, at inductâ deformi cicatrice, visum plùs minùsve impediens, aliàs erosio omnibus corneæ lamellis, humoribus patulam præbet viam, globumque pessundat... Ulcerationem tarforum, ab acrimoniâ lacrymarum erodente, aut pure iis applicato vel propriâ inflammatione oriundam, necquicquam prætermittimus, ut potè quæ, anchyloblepharo vero occasionem præbere valeat, præsertim si palpebræ ex tumore proprio coeant.

Rarissimè schirrus, rariùs adhuc cancer ophthalmiam excipit, at tunc de oculo conclamatum est, illiusque extirpatione miserrimæ ægrotantis saluti consulitur.

Gangræna sphacelus vix unquàm observanda, oculi carbunculum peculiarius sequi visa sunt, &c.

8. Ophthalmiam solvunt in genere aut resolutio quam dicunt *benignam*, aut metastasis, hæmorrhagia quæcumque, sudor, alvi fluxus, &c. (a) Hæ potissimùm ophthalmiæ quæ eruperant subsistente consuetâ hæmorrhagiâ, hac revertente solvuntur; diuturnam aut habitualet ophthalmiam, à mensibus suppressis oriundam dignosces, ex eo quod quâlibet solitâ mensium periodo revertat aut exacerbetur; solutioni quoque confert sanguis è naribus aut è canthis oculorum scaturiens, &c. Multùm etiam prodest, alvi profluvium sive spontè natura motum (b), sive pharmacis excitatum.

Metastasis fit cum bonis ægri rebus, vel malis prout morbus ophthalmiam excipiens, ipsâ mitior est aut gravior; *pronus est materiæ ab oculis ad pulmones decubitus*, attamèn mala est dyspnea ex ophthalmiæ metastasi, & phthisis metuenda. Resolutio benigna obtinet, ubi denegato alio solutionis modo, symptomata mitescent, & omnia in statum naturalem reducuntur; universim solutiones quæcumque haud ritè succedunt, ubi alvus à longævo constricta est.

9. Quædam ad prognosim præstantia jam delibavimus, alia ubi de causis ophthalmiæ materialibus quæstio erit exaremus, pauca nunc attingemus.

8. (a) Oculorum dolores ineri potio aut balneum, aut fomentum, aut venæ-sectio, aut medicamentum purgans solvit. *Hip.* § 7, aphor. 6, § 7, aphor. 31. (b) Lippitudine laboranti, alvi profluvio detineri bonum. *Hip. de jud.*, § 2, p. 56.

Oculus ad vitam nihil facit, sed ad beatam vitam nulla pars facit magis, *Boerrhaave*. Nullus itaque ophthalmiæ bonus exitus, nisi resolutio in genere, reliqui ut suppuratio, gangræna &c. *videndi aciem* aut turbant aut perdunt ophthalmiæ fluxu acrimonioso stipatæ, pessimæ sunt, diuturnæ enim aut frequentes, plerumque corneæ ulcera, cicatrices inducunt, &c. Quæ succedunt post graves contusiones, sugillationesve oculi aut extractionem cataractæ, sæpius suppurantur; si suppuratio oculi perduret, indè membranæ oculi destruuntur aut pelluciditas perit: minus discriminis ex abscessu adnatæ oculo impendet quàm ex hypopio vel onyxe. Rarò curatur gravis ophthalmia, quin diù maneat obscuritas seu opacitas corneæ *Boerrhaave*. Bonum est in decursu, pallere oculos, & dolorem ad lucem minui; diuturnas subsequitur quandòque *pterygium* seu expansio membranacea, quæ sensim per corneam, versùs pupillam increscit, & videtur esse prolongatio adnatæ, &c. Apud pueros & senes pertinacissimæ sunt, inveteratæ rarò sunt ex integro curabiles, superveniens febris eas subindè solvit.

10. Princeps, ut superiùs dicebamus in ophthalmiæ curatione, canon est, ut inflammatio resolvatur in genere; nam cum in aliarum partium inflammationibus sæpè numero vel resolutio, vel suppuratio iis sanitatem reddat, hîc sola resolutio est salutaris, suppuratio verò plerumque perniciofa: resolutioni ergò faveat ars naturæ auxiliatrix mediis extùs aut intùs admotis. Auxilia topica sistit, duplex ordo medicamentorum relaxantium nempè & repercutientium. In eorum usu, omnis periculi vertitur cardo, ne ubi relaxantibus opus est, repercutientia, & vicissim, adhibeantur. Dixit *Hoffmannus* « plures visu » privari ex imperitiâ applicandi topica, quàm ex ipsâ morbi vi & magnitudine. » At hæc imperitia versatur potiùs circà intempestivam topicorum applicationem (a) quàm ipsorum dotem ignotam; undè non rectè legitur

10. (a) Unde *D. Sims* de astringentibus. . . . « qu'il seroit avantageux de pouvoir connoître par des signes certains, quand il est à propos de les appliquer! car l'intervalle du temps qui s'écoule avant l'instant où leur application devient utile, varie prodigieusement chez les différentes personnes attaquées de cette maladie: les Auteurs systématiques, il est vrai, rendent tout cela très-clair sur le papier, je ne crois pas moins qu'il n'y a qu'un Praticien habile & exercé, dont le coup-d'œil puisse saisir cet instant si difficile. »

Sic præposteræ sunt adstringentium applicationes, nocent aut nihil prosunt prout citiùs aut tardiùs fiunt. *Citiùs*, ubi spasmi prædominantur, aut phlogosis in ipso vigore est: tunc ophth. intenditur, causæ suppurationis augentur, vel oculo schirrosus inducitur habitus. *Tardiùs*, ubi semoto spasmo vel phlogosi, vasa ita dehiscunt ut ampliationem quasi varicosam conceperint, & in genere adeo relaxentur ut restitui nescia morbum pertinacissimum, omniaque reme-

apud *le Dict. de l'Acad.* (b). Fatendum cum D. Sims (c) in ophthalmiæ curatione quosdam Agyrtas Medicis feliciores fuisse ; illud non adeò mirum videbitur , si attendamus horum hominum auxilia tunc posci , ubi jam in diuturnitatem abiire ophthalmiæ , harumque causæ humorales , &c. à Medicis aut temporum successione jam debellatæ fuerunt. At hodiè palma pro Medicorum parte stat , tempore ab hoc , quo morbis oculorum peculiarem attentionem dedere , inter ipsos ill. viri *Plenck* , *Trnka* , &c. *Relaxantia* , in chemosi incipiente , taraximve insequente conducunt ; ubi impacta circâ oculos materies morbifica in circulum reduci nequit , ipsiusque resolutionem molita est natura , cujus activitas nunc temperanda , nunc mediocriter instiganda est ; in hoc auxiliorum ordine occurrunt « emollientia aquosa , mucilaginosæ , cum mitissimis salibus incidentibus , resolventibusque , lenissima insuper stimulantia , roborantia , & interdum subastringentia , ita ut , quò inflammatio major est , eò horum posteriorum ad priora proportio sit minor , & prout inflammatio remittit , ita eorumdem proportio ad priora prudenter sensim augeatur , imminutis è contrario prioribus , donec inflammatio ad eam fuerit redacta levitatem , ut ei altera resolutionis methodus per repercutientia tutò applicari possit. » *Trnka*. *Emollientia* pro vasis laxandis , dolore mitigando , acribus lacrymis aliisque stimulis obtundendis inviscandis , siccitate levandâ , &c. Horum usui remittente inflammationis vehementia haud justo diutiùs insistatur , ne laxatâ bulbi compage , ipsum ad recidivas disponant aut morbum pertinacem reddant ; inter emollientia eminent , lac muliebrile , mucilagine pssyllii aut cydonii seminum , malvæ altheæque flores & folia , sambuci flores , sanguis columbinus , ovi albumen , &c. Inter *stimulantia* quæ lenissima sunt & dolorem nullatenus creant militare videntur vapores blandè discutientes ex aquâ tepidâ , floribus emollientibus , ruta , crocus , camphora , aqua ros. rubr. , opium , aquæ thermales , &c. Ad *attenuantia* quæ fluidorum lentores paulatinè fundant & vim vitæ leniter exacuant , pertinent salia neutra mitissima , acida vegetabilia multum diluta , pomi acido-dulcis cocti vel putridi pulpa , hydromel , valeriana off. , hyssopus , murias ammoniacalis (d).

Repercutientia conducunt in ophthalmiis recentibus aut antiquis , dùm inflammationis modus est levis , absente natabili tumore , dolore , & febre.

dia eludentem reddant. (b) Rien n'est moins éclairci que l'effet de la plûpart des topiques que l'on applique aux yeux : les Praticiens savent qu'on donne là-dessus , plus au préjugé qu'à l'observation , » art. opht. (c). . . « & je ne sache pas maladie où les Charlatans aient montré plus de supériorité sur les vrais Médecins que dans celle-ci. » (d) *Synonyma* ; sal ammoniacum , mu-

Hic accedunt tonica valentia &c. qualia, alcohol (e) purum aut camphoratum, arnicæ corticisve decoctum, vinum, aqua frigida, plantaginis aqua. *Siccantia*, *abstergentia*, *resolutiva* fortiora, quæ maculas, obscuraciones dissipant ulceribus limites, cicatricem obducunt, ut ut, caustica dilutissima, boratis (f), hydrargiri dulcis muriatis (g), aluminosi sulfatis (h), zinci-sulfatis (i), pulvis aut dissolutio, carbonas ammoniacæ (k), præparata antimonialia saturnina (l), piscium imprimis mustellæ fluviatilis aut lucii piscis fel (m). *Adstringentia* fortissima quæ vasa potenter constringendo, ipsa ad tonum pristinum redire vi, ut ita dicam, cogunt, qualia sulfas aluminosus glacies, sulfas zinci, oxidum zinci sublimatum (n).

Ex medicamentis enumeratis variæ formulæ conficiuntur quæ simpliciores sunt optimæ haberi debent, procul rejicienda illa topica ex immensâ medicaminum farragine confecta, permulta enim quæ heri in famâ erant, hodiè oblivioni mandantur, nova quæ conduntur fors eadem manet, licet ipsa tanquam *arcana* decantent, inventores quicumque, ut sub fucio mirabilis inauditi, inexpertes populi captent animos.

II. Circâ regimen diætetikum, prima omnium sunt corporis animique

riate d'ammoniaque. (e), spiritus vini, alcohol. (f) boracis, borate. (g), mercurii dulcis, muriate de mercure doux. (h) aluminis sulfate d'alumine. (i) vitriolum album, sulfate de zinc. . . . Vitriolum viride, seu sulfas ferri, sulfate de fer, ad albedinem usque calcinatum, id est usquequò suæ crystallisationis aquam amiserit, in foro Medico dicitur quoque *vitriolum album*; attamen non indifferenter confundi possunt hinc zinci & ferri sulfates, seu vitriola alba; eadem enim dosi usurpati diversos effectus sortiuntur, nihil autem de horum dosibus pertentare audebimus, donec codex de quo nunc agitur inter Professores, aliosque Monspelii Medicos, quemque sitiunt omnes suæ artis amantes, pharmacopolis immutabilem conficiendi medicamenta præscripserit normam, v. g., determinaverit quid ponderis sub exsiccatione aut ulteriori calcinatione deperdere debeat, aluminæ aut ferri sulfatis *crystallisati* data quantitas, &c. ut &c. (k) Sal volatile cornu-cervi, carbonate ammoniacal. Vid. méthode de nomenclature chimique par MM. de Morveau, Lavoisier, Bertholet & de Fourcroy. (l) An præparata saturnina sub formâ collyrii aut fuci adhibita, *colicam saturninam* inducere valeant observatio non statuit. (m) Ne ullâ æquivocatione suffundantur, horum piscium nomina vid. hist. pisc. D. Gouan. . . . prior, cl. malacopterygius, ord. jugularis, gen. gados, sp. respectu lota. . . . La lote; Posterior ex eadem classe, ord. abdominalis, gen. esox, sp. lucius. . . . Le brochet, dicitur. (n) Flores zinci, tuthia, oxide de zinc sublimé; attamen tuthia à floribus zinci aliquantulum differre videtur in eo quòd zinco in tuthiâ aliqua plumbi puri aut *oxidati* misceantur moleculæ, & minor oxygenii combinetur quantitas.

quies, ab ægrotis arceantur pathemata quæcumque humores versùs encephalon urgentia, ira inprimis & tristitia quæ lacrymas provocant & magnas in abdomine turbas cieunt. In chemosi tenuior sit ratio victûs, refrigerans, temperans &c., non magis in quantitate, quàm in copiâ peccetur, vitetur omnis victus aromaticus salitus, & alia cujuscumque generis, quæ sanguinem accendunt, humorum motus accelerant, aut alvum constringunt. Si ophthalmia diuturnior, in vetustatem incidat, multùm à primo diætæ rigore remittendum est, viribusque magis consulendum. « Qantum, inquit *Celse*, inflammationi detrahetur, tantùm adjici cibis poterit, sed generis ejusdem, » utique ut nihil falsum, nihil acre, nihil ex his que extenuant, sumatur, » nihil potui præter aquam »; attamen interdùm vino indulgere non est insalubre. Æger in obscuro loco degat, cubiculum ipsius ventiletur, auram puriorem haurire, frigidissimam vitare, in frigidiuscula versari ipsi præstabit. Stimulus quivis externus ab oculis removeatur, fumi lucis præcipuè, dolorem enim vividum admissa lux in oculos inflammatos excitare solet, imò ipsam inflammationem, ad exitium usque oculorum intendere est observata. Hinc curandum est, monente *Boerrhaave*, ut dolor à luce productus toto curationis tempore caveatur. « Plerùmque diù satis post inflammationem dissipatam tanta oculi remanet sensibilitas, ut lucem vix ferant ægri, parùm vel » confusè videant in loco lucido melius in obscuriori. Indè aliquandiu in loco » obscuriori versentur ægri, vel oculum peplo tegant, ut sensim admittatur » lux ad oculum, sensim illi assuescat oculus. » *Richter* apud *Trnka*, &c.

12. Jam prælibatâ ophthalmiæ historiâ generali, nunc ipsius instituendæ thereapeuticæ divisioni operam navemus, hanc, quæ variam medendi methodum illustrare valeat, solummodò salutari. Itaque quot causæ materiales, diversæ medelæ submittendæ, atque à simplici solidorum, humorumque vitio repetundæ, oculos inflammare queunt, tot divisionis extabunt membra; non ad *apparentes levesque causarum differentias attendemus, dummodò curationis ratione proximè convenient*; curationes, enim, morborum naturam ostendunt *Hip.* & vice versâ, concursus phænomenorum & circumstantiarum tali causæ materiali vulgò annexus, huic admovendam methodum curativam ostendit; undè à posteriori curationis identitas morborum identitatem, hujus diversitas istorum diversitatem monstrat, &c. Ecce, fusiori loquelâ, subsequenti divisionis fundamentum, de quo vide *Stoll*, *Selle*, *Weisz* & theses ab aliquot annis in hâc augustissimâ Aulâ propugnatas. Ut jam dixi, agam tantùm de causis materialibus in statu simplicitatis; causæ procatarcticæ, quæ materiales in genere exsuscitare possunt aut ad varios stimulos oculis admos, aut miasmata quæcumque, aut temporum varias constitutiones, demùm ad errata in sex rebus non naturalibus commissa, referenda veniunt vide n. 6. ophthalmiam igitur causæ materialis

ratione in nervosam seu sine materiâ, vel humoralem sive cum materiâ dispescimus; *nervosa* subdividitur in spasmodicam & atonicam; *humoralis*, humoris peccantis ratione, in phlogisticam seu sanguineam, in biliosam & pituitosam. Horum humorum jam vitiata crasis ad altiorum degenerationis gradum evehi potest, tuncque putridas procreat ophthalmias, &c. Spasmus seu virium excessus universalis est aut particularis, prout toti organorum compagi impertitur aut huic solummodo parti insidet. Licet particularis evolvatur, sub eadem causarum impressione, quâ universalis, cum eâ autem dissimili ratione, ut, in productione illius organo peculiari, istius verò toti corporis habitudini, ipsarum actio impingatur, attamen sub diversâ temperamenti conditione exurgere potest. De ophthalmiâ quæ *hypertoniæ* universalis symptomatibus accensetur, verba non faciemus profusiora quam de spasmodicâ per consensum, quæ deprehenditur, ubi ex aliâ parte in oculos irradiatur spasmus, hanc promovent, difficilis dentitio, caries dentium, spasmi abdominis quales obtinent, in hypocondriacâ, hystericâve affectione, in hypercatharsi, post ingesta acria, &c. talis ophthalmiæ curatio, ablationem stimuli sympathicè agentis exigit. Nunc quæstio sit de

Ophthalmiâ hypertonicâ (a) idiopathicâ (b).

13. Huic ansam præbent lucubratio immodica haud habitualis, lux nimia insolita, stimulus externus oculis inhærens, vulnus ipsis inflictum, cataractæ operatio, frigus admissum, acriora illita, &c. observatur potissimum in juventute & virilitate, tempestate hiemali, vernâ, cœli constitutione siccâ, ventisque frigidis perflatâ: his prægressis, de causâ spasmodicâ non amplius dubitandum, si aliæ causæ negentur indicia. In parte affectâ proferuntur symptomata n. 1. qualia in taraxi, dolor paululum acutior, &c. Febris nulla, aut si adsint motus febriles, continui sunt vel intermittentes, in ultimo casu inflammatio, aut simul cum febre prorumpit, aufugitque, aut continua exacerbatur, dum accessus intercurrent.... Huic ophthalmiæ methodus medendi relaxans esse debet; quæcumque invigorantia, topica præsertim, ipsam mirum in modum exasperant, & induendo veræ inflammationis genio pro-

(a) D. Coray synopsis pyret. Monspeli propugnata. (b) Hic referenda opht. quam sic depinxit Hipp. « quibus (inquit ille, de doloribus sine febre loquendo) visus caligat & rubor quidam in ipsis oculis fit cum quâdam frontis prurigine eos juvat sanguis suâ sponte aut necessitate profluens, atque hic modus simplex est. » &c. Prædic. l. 2, p. 108. « Oculorum dolores exhibitâ meri potione & copiosæ aquæ calentis balneo, venæ-sectione curato. » § 7, aphor. 46.

norem reddunt, siquidem, cæteris paribus affectio localis hypertonica habenda est in genere, tanquàm *primus gressus partis ad inflammationem properantis*. Weisz. Th. cit. D. Coray. Antequàm removeatur stimulus externus, ipso concitata ophthalmia finis nescia est, nec tali semota irritationis causa semper dissipatur, siquidem spasmus protrahitur aut cessat: in primo casu spasmus altè infixus ad inflammationem essentialem accelerat, aut aliam humoralem causam arcessit. In secundo, ophthalmia spasmusque simul cessant aut ipsum excipiente atoniâ, superstiti ophthalmiæ toto cœlo opposita inuritur indoles.

Ad compescendos dolores, somnumque conciliandum intùs suscipiatur opium, sed cautà manu; diætâ sit tenuis, temperans; libertas ventris serve-
tur; sanguis missio revulsoria longè à parte affectâ institui poterit; oculi bal-
neationes, pediluvia, semicupia, frictiones in partibus diffinis conducunt,
topica ex emollientibus desumuntur; at ab ipsorum diuturniori usu caveatur,
ne præproperanter diffilato spasmo, altera insurgat ophthalmiæ causa, atonia
scilicet. Si sub ophthalmiæ larvâ delitefcet febris intermittens, tempore ac-
cessûs admovenda prædicta topica, & cessatâ exacerbatione adhibendum
kinakina, cò majori dosi quò vehementiùs intendebantur symptomata, &c.
Hic pertinent rheumatismi periodici, cortice sanati. Stoll.

De Ophthalmiâ Atonicâ.

14. Atonia seu virium imminutio subit eandem divisionem ac hypertonia,
in universalem & particularem. De particulari solâ mentio erit. Sub hoc res-
pectu *Radicalis* est, id est causa primaria ophthalmiæ; vel *sequela*, id est
causa secundaria, adventitia, ophthalmiam spasmodicam-humoralemve exci-
piens, hancque protendens. Radicalis ophthalmia rarior est sequelâ: ipsam
inducunt lucubratio immodica sæpiùs repetita, lachrimatio diutiùs protracta,
&c., abusus emollientium, aura noctis humida, pollutiones frequentiores,
&c. Deprehenditur potissimùm apud senes, infantes, sequiorem sexum,
tempestate æstivali, autumnali, cœlique temperie calidâ & humidâ. Sequela
frequentissima est: plerasque hypertonicas excipit. Hæc mutatio causæ dignos-
citur, tum ex diuturnitate inflammationis, tum ex remissione doloris. In
genere symp. localia n°. 1, qualia in taraxi, dolor obtusus, vix sensibilis
aut solummodò pruriginosus, &c. Atonia quandoque adeo profundè sita est,
ut ophthalmia diuturnissima evadat, ectropiumque accedat, &c. Cura ex
adverso opposita inflammationis hypertonicæ therapeiæ, sistatur. Frigidis,
adstringentibus, tonicis quâ extùs quâ intùs admotis absolvitur. Roborantibus
externis, topicisque adstringentibus, non æquè indulgendum in sequelâ ac in
radicali, ne prægressus spasmus iterùm exsuscitetur; plerùmque enim topica

diversa absque successu adhibentur, quia alternationem causarum producant. Febris vix ulla unquam aut parum sensibilis, &c. Si notescat febris intermittens connubium, finito paroxismo, usurpandum kinakina eodem modo ac jam supra innuimus. In ophthalmiâ inveteratâ, ubi vasa turgent admodum, &c., præstat sanguisugas admoveere sanguinis suctionem excipiente topico adstringente; id genus curandi à *methodo perturbatrice* D. de Barthez proximè abest: sanguisugæ expediunt vias, advocant motus, quibus finem adimplendum indicant adstringentia; in hujusce modi casu prosunt quoque scarificationes, &c.

Causæ de quibus egimus, simul unitæ, tertiam statuunt, quam vocant *mixtam*, an hæc sui juris peculiare faciat ophthalmias, silebimus, donec incedat ampliore observatione, auctoritateve suffulta, attamen non inficias ibimus, observari alterutrius causæ prædominium alternativum, cui obviamitur cum emollientibus maritando tonica, & vice versa, præpediendo itaque ne, isti causæ vividius impugnatae altera opposita succedat, ut jam diximus.

De Ophthalmiâ eminenter inflammatoriâ seu phlogisticâ.

15. Phlogosis generalis est aut particularis, prouti totam humorum massam vel organi peculiaris substantiam obsidet. Particularis separatim occurrit vel simul cum universali; sub illo duplici existendi modo, ophthalmia sese offerens, eidem therapieæ subjicitur; attamen à generali sejunctam phlogosim particularem, quatenus oculis affixam considerare lubet. Phlogistica sub eadem causarum occasionalium conditione oritur ac spasmodica, inter quas, plethora, solitæ evacuationis, hæmorrhagiæ præsertim suppressio recensendæ veniebant, &c. Dicebamus itaque, spasmus diutius protractum abire in phlogosim, quæ dominatur fine hiemis initioque veris, cæli constitutione frigida & sicca apud juvenes florentes athleticos, qui victu aromatico, liquoribus spirituosus abutuntur, lautisque epulis semper gaudent. Symptomata n. 1. qualia in chemosi, eò vehementiora, quò latior & altior inflammatio, dolor vehemens, calor, ardorque insignes, spheroma, &c. Inter alia signa causæ materialis, jam perpensa ratione causarum præcedentium & temperamenti ægrotantis, sese præbent, vires consistentes, alvus astricta aut parca, sanguis crustâ phlogisticâ obductus, natura epidemici regnantis, febris pulsu vivido, frequenti, duriusculo insignita, horis matutinis invadens, continentem, continuumve servans typum, urina rubra, cutis sicca, sitis ardens, calor urens, facies rubra, &c.... Solviur morbus hæmorrhagiâ, sudore, rarissimè alvi profluvio, &c. curationem adimplent, diæta tenuissima, sanguinis missiones pro rei necessitate repetitæ, diluentia, refrigerantia, balnea

balnea tepida in genere; toto morbi decursu, libertatem alvi clysmatibus fervare, etiamque declinante coctionis stadio laxativa adhibere prodest. Topica emollientia, &c. Si phlogosis expressè exaretur, coctionis legibus permittenda est, solâ naturæ actione subigenda; tunc ipsam ex adverso impugnare non ampliùs valet venæ-sectio, itaque morbi initio dumtaxat usurpanda, ni aliundè præter modum urgeat indicatio vias expediendi & refræ-nandi humorum exorbitantem motum. « Ab initio, inquit *Boerrhaave*, » sanguis mittendus est, cùm id postea fieri non possit, inflammatione » enim ad suppurationem nunc dispositâ, oculus jam perditus est. » In majori ergo inflammatione, quandò rubor & dolor ingens premunt, differendæ non sunt sanguinis missiones, quandò enim primis 3 aut 4 diebus negliguntur, suppuratio supervenit & actum est de oculo; attamen ultrâ 4 dies, consuetumve aliarum inflammationum terminum, ophthalmiæ profertur cruditas. Vide n. 3. nec timendum est ne tardiùs celebrata venæ-sectio, inutilis sit aut noxia semper, ipsomet contrarium exemplum ministrante *Hip. Ani*, vulvæque venis applicatæ hirudines, sæpè omnem aliam sanguinis missionem efficacia superant, ubi ophthalmia suppressum aut hæmorrhoidum aut mensium fluxum est consecuta.

De Ophthalmiâ gastrico-biliosâ.

16. Colluvies biliosa generalis est, id est totum systema vasculosum inficit vel gastrica (a), id est in primis viis hæret, vel organa alia peculiariora afficit, hic accedunt affectiones topicæ consensuales aut immediatæ, quas omnes, sub quocumque explicandi modo, considerabimus quatenùs proximè cum vitio gastrico nexas, siquidem therapeutiæ cardine penè eodem volvuntur. Sic ophthalmia consensualis dicitur, ubi à bile in primis viis stabulante oritur, idiopathica si à bile resorptâ vel in secundis viis formatâ, at circâ oculum irretitâ nascatur. Gastricam consensualem dùm adhuc simplex est, nec cum phlogosi consortium inivit, ad spasmodicam per consensum revocare potuissimus, ni stimulus gastricus humoralis universim, quamplurimarum affectionum localium causam generalem statueret, ni prætereà id genus causæ complicationi ita pronius esset. Agitur an omnes affectus, gastrico-biliosi dicti, à bile sympathicè vel topicè irritante sobolescant? Utrumque nobis, ut aliis multis à posteriori demonstratum videtur, syndrome haud prorsus æquabili, levique therapeutiæ modificatione:

16. (a) Colluvies gastrica est ipsamet affectio particularis idiopathica, quæ alias sibi plerùmque adjungit comites per metastasim aut per sympathicam irritationem.

etenim velut consensuale respicimus ophthalmiam, cujus curationem absolunt *evacuantia*, idiopathicam (b) ubi evacuanta proficiunt quidem, sed non sanant, ubi scilicet expurgatis primis viis, alterantia intus adhibenda & topica leniter stimulantia applicanda sunt, ut resolutionem biliosa causa oculis impacta experiatur, biliosa causa inquimus, ab atoniâ aut phlogosi, quæ protelandæ ophthalmiæ destructo fomite gastrico concurrunt, attente distinguenda. Dignoscetur ophthalmia idiopathica, ubi expulsâ bile gastricâ, motus febriles nulli aut saltem remiserunt, aliaque symptomata, ut dolores capitis, epiphora, &c. non æquè intensa aut non ita insigniter, ac antea exacerbantur, &c. ubi phlogosis subreptæ aut atoniæ absunt signa.

Hanc ophthalmiam arguunt causæ præcedentes, quales potissimum, æstas, coeli constitutio calida & sicca, Zona torrida incumbens aut proxima, sexus potior, ætas virilis, animi pathemata (c), ira præ primis (d), victus calefaciens, alimenta fermentescentia, post cibos labores nimii & cibi post iram citius usurpati. Symptomata localia plûs minûsve intensa, hemicrania sæpius è latere oculi affecti erumpens, epiphora quandòque acrimoniosa, &c. plerùmque nulla sui vestigia paroxysmorum intervallo relinquunt. Corneæ obscuratio, &c. interea, appetitûs defectus, lingua albo-lutea, tractus flavedinis ab alis narium ad labiorum commissuras, gustus depravatus; nidulat autem saburra in stomacho vel in intestinis: *priori* casu, amarities oris, capitis dolores vehementes ad compressionem aliquantulum allevati, nausæ, vomituritiones, vomitus biliosus, præcordiorum anxietas, hypochondria dolentia, ad attractum aucti dolores in epigastrio, in *posteriori*, borborigmi, alvi fluxus biliosus, hypogastrii lumborumve dolor tensio, genuum gravitates, &c.: febris primò intermittens, dein remittens, horis pomeridianis invadit & exacerbescit, urina lutea lateritia, sitis ardens, calor mordax, sudor acris, pervigilia, subdeliria, &c. Hæc ophthalmia non periculosa est, dum phlogisticâ complicatione immunis est, fluxiones enim æstivales à bile purâ spontè aut arte citò dissipantur, *Stoll*. Sed quandòque absque motu febrili sese prodest, tunc potissimè chronica evadit, uno tenore aut creberrimo reditu diutissimè perdurans, in hæc symptomata localia exacer-

(b) Huic speciei accensendus est rheumatismus scorbuticus *Sydenhamii*. (c) Nulli dubitamus quin prædominio bilis apud viros, multum quoque conferat jentandi dimissa consuetudo; itaque non malè sibimetipsis consulunt viri quotidie jentantes, sed spretâ quantitate, pauca in finem vires suas digestivas sustinendi sumentes. (d) Morbos biliosos qui subindè iræ exæstuationem excipiunt, sanguinis missione spasmos in regione epigastricâ debacchantes solvente, dein tonicis atoniam spasmodum sequelam debellantibus præcavere

bationibus statò periodo (e) revertentibus quoque subjiciuntur, at causæ materialis signa parùm sensibilia deprehenduntur; sic obscurissima erant in ophthalmiis gastrico-biliosis aut pituitosis quas (cum ea intercalari differentia, ut biliosæ declinante die seu vespere, pituitosæ autem noctu provectiore, exasperarentur) in genere descripsit *Stoll*, p. 344. A gastrico vitio peritissimùm bilioso repetendæ ophthalmiæ epidemicæ populares, quæ interdum adeò communes evadebant, ut pro re *fidei* acciperetur ab affectis oculis, ophthalmiæ contagium sanis illabi, hominesque lippientem intuentes mox eodem malo corripì. Sic illecebrosi Poetæ implebatur effatum.

Dùm spectant læsos oculi, læduntur & ipsi,
Multaque corporibus transiitione nocent.

His accensendæ ophthalmiæ de quibus *Hip.* « ad lippitudinem annuam ac populariter grassantem, capitis & inferioris alvi purgatio conducit (f) ». Et alio loco « primùm itaque lippitudines fluentes, cum dolore, humentes & crudæ abortæ sunt, fordes in oculis concretæ (quas lemas vocant) » parvæ nec sine difficultate multis erumpebant, quæ cum plurimis revertissent, tandem ad autumnum reliquerunt (g) ». Hic iterum innuitur temporum mutatione solvi morbum posse.

Solvitur in principio vomitu, aut in declinatione diarrhæâ aut cholera, &c. Ubi fursùm turget bilis, cura ab emeticis perficienda, aut inchoanda, licet ipsi veteres, in ophthalmiâ danda non censuerint. Sic *Hip.* ait « quod si subito inflammationem concipiant, nihil omninò » illinito, sed vel fortissimo aliquo medicamento, quam maximè » infernas partes urito, vel alio quopiam alvum subducito & attenuato, » cautione *adhibita ne vomitum provoces* (h) ». Dein ad stomachica tonica deveniendum est quod si post emesim multam, non subsidant saburræ signa, per epicrasim adhibeantur cathartica & subsequantur tonica. Si deorsùm turgeat materies, evacuantia sola estote ex catharticiis acidis, qualia tartris acidulus potassæ (i), pulpa tamarindorum, in genere salia neutra. Inter emetica eminent ippecachuana, tartris potassæ sibiatus (k). Apud viros robustos ipsorum administrationi præmittenda sanguinis missio ut rectius fiant evacuationes, & præcaveatur phlogosis. Diætâ tenuior sit, vegetabilis, acidula. Si bilis jam satis ampla degeneratione seu acrimoniâ

possumus; nec posthàc alimenta noxia esse possunt aut talia haberi. (e) Februm saburrarum crisis spontaneæ non dantur statà tempora; cur non æquè variant exacerbationum tempora? (f) De acie vid. p. 689. (g) De morb. vulg., l. 1, p. 943. (h) De loc. in hom. 413. (i) Cremor tartari, tartrite acidule de potasse. (k) Tartarum sibiatus, tartrite de potasse antimonie.

donata, ex diuturnitate, continuitate & acrimonia epiphoræ, &c. resorpta conjiciatur, oculisque immediatas noxas importans. Tunc juvant potiones multæ, acida imprimis vegetabilia multum diluta. Sed antea fomitis reliquæ eruncandæ sunt, & in hoc casu, emeticis præstare videntur cathartica: siquidem, notante *Trnka*, « cathartica, nulla humorum ad caput pellendorum pericula, secum adinstar emeticorum ducunt, non stomachum modo, verum universum etiam tubum intestinale à saburrâ vindicando, purum aliis deinceps remediis in secundas vias transitum efficiunt; stimulum inflammatorium ab oculis ad intestina detrahare, (& retrahere) conantur. Metastases ad oculos factas loco movent, humorumque impetum ab encephalo ad alvinas vias avertunt ».... A præcedenti parum abludit praxis adversus rheumatismum scorb. *Syd.* instituenda, &c. topica nulla, aut ex emollientibus, inviscantibus, leniter incitantibus roborantibus.

De Ophthalmiâ Gastrico-Pituitosâ, & de Verminosâ, &c.

17 Morbi pituitosi eandem sortiuntur divisionem ac morbi biliosi, &c. De ophthalmiâ gastrico-pituitosa primum agam. Ipsius ingressum complanant *atonicæ* causæ; itaque tragædiam imprimis ludit sub aëris constitutione humida & frigida, fine autumnii, initio hyemis apud temperamenta laxa, infantes, mulieres senes, zonæ temperatæ incolas in locis paludosis degentes, post evacuationes profusas, feminis præsertim; hic accedunt insuper, potus fermentescentes aut aquosi, acidorum abusus, stomacho inappetenti ciborum ingurgitatio, vita otiosa, tristis, &c. Causas enarratas consequuntur appetitus dejectio, cibi fastidium, ructus acidi, lingua & fauces muco laridaceo oblectæ, animi tristitia stuporve, sensus doloris obtusus ad epigastrium, vomendi conatus aut vomitus pituitosus acidus, aut hypogastrium tensum anxium, tormina, alvus pituitosa fluxilis, caput torpens aut dolore gravatum, corpus totum quandoque dolores rheumatici cruciantes, &c. Febris plerumque nulla, aut vix conspicuis insignita characteribus: remittentem intermittentemve servans typum, nocturnum invadens & exacerbescens. Urina initio tenuis limpida, dein mucosa, sudor foetens, &c. Quoad symptomata localia, oculus quasi ab injectis pulvisculis dolet, epiphora simpliciter lachrymosa aut acrimoniosa, corneæ obscuratio. Vesiculæ in corneâ excitantur, & ubi acrimonia viget in ulcera degenerant, dolor capitis e latere oculi affecti, &c.: Hæc pleraque phænomena interdum valde remissa, noctu periodicè exasperantur, exacerbationes comitantur pervigilia, ipsasque, absente febre, subsequitur calor naturali major. *Stoll*, &c. Species illa ophthalmiæ omnium diuturnissima evadit, plures septimanas, menses annosque durat; ipsius contumacia & pertinacia,

aut atoniæ sub dominio degenerationis pituitosæ, systemati gastrico & oculari infusæ, vel præposteræ aut indirectæ medicationi, aut ægrorum negligentie tribuenda est. At plerumque evanescit, si illius medelæ accingamur 1°. sordes saburrales eliminando; 2°. tonica exhibendo topicè aut internè, quæ valeant tubo chilificationi præposito, bulboque tonum restituere, aut si subsit pituita oculis impacta, ipsam resolvere. . . . Terminatur vomitu, aut diarrhæâ, aut sudore, &c., multò magis molesta est quàm periculosa; pus facilè non facit, ni adjuncta sit epiphora multum acrimoniosa: tunc ulcera oculi aut partium vicinarum, ectropium, anchyloblepharum, &c. subsequuntur, symptomatibus malis accensenda. Præsente colluvie pituitosâ, attendendum est an humor peccans nimis sit spissus, tenax: in hoc casu evacuantibus præmittenda sunt solventia; cæteris palmam præripiunt murias ammoniacalis, antimonialia refracta dosi exhibita (diluendæ verò bili solventia aquosa magis conducunt): pituita jam sufficienti mobilitate donata, stomacho vel intestinis insidet; si prius ad emetica, si posterius ad cathartica confugiendum, præstat quandoque cholera artificiale: inter cathartica eminent mercurialia. Repurgatis primis viis ad tonica deveniendum, qualia kinakina, arnicæ flores, cascarilla, &c. Diæta sit corroborans.

18. Licet vermes cum omnibus humorum diathesibus complicari possint, attamen præ aliis pituitæ connubium adamare solent, utpotè qui sub illius prædominio lætiùs & faciliùs evolvantur. Colluvies verminosa ophthalmiam creans sæpiùs viget ætate infantili, causis præcessis quæ pituitæ favent. Phænomenis sequentibus stipatur: nulla febris, aut remittens ut plurimum, dolor capitis suprâ orbitalis radicem nasi & partes fronti vicinas occupans, narium pruritus, lingua eminentiis rubris & aphthis quandoque obsita, appetitus deperditus vel auctus, salivatio, halitus acido austerus, inter dormiendum tremor, somnus pavore excipiente subito discussus, sopor aut pervigilia, deliria, convulsiones, dejectiones albo gryseove colore donatæ, ramentosæ, vermium excretio, superioris ventriculi oris morsus, urinæ jumentosæ, &c. nihil in hæce circumstantiâ indicant effluxus lacrymarum, pupillæ dilatatio, nictitatio, &c. . . . Sic instituenda est curatio; 1°. præmittantur anthelmintica solventia, propinentur dein evacuantia, iterentur pro indicatione interpositis anthelminticis, &c. 2°. Subsequantur tonica ex amaris.

19. Alia deprehenditur ophthalmiæ species quæ à depositione topicâ materie serosæ aut pituitosæ ad oculos, natales suos repetit, seu metastasi saburræ resorptæ, sive colluviei topicæ in secundis viis enatæ, primis necquicquam temeratis, debeatur; hanc, modo fiendi prætermisso, à gastricâ sejungere conducit, quia ipsam non ampliùs auferre valent evacuantia; licet alvus libera proffit. Illius ergo resolutio naturæ permittenda aut promovenda per incisiva,

fudorifera, tonica interna aut externa, vesicantia inprimis (a) quæ vim vitæ adaugeant, motum febrilem suscitent aut sustineant. Hanc dicunt auctores, oculorum rheumatismum aut catharrhum cum eâ differentiâ; ut ille vehementer dolens & pertinax sit at parùm rubeat, iste verò doleat mediocriter, & citò fugam capeffat; hæc varia phœnomenorum facies ad distinctionem nihil confert, siquidem diversas causas materiales stipare, & à quâcumque saburrâ gastricâ produci potest; alia differentia magis genuina licet non multùm momentosa utramque denominationem interponitur, in eo quòd rheumatismum procreare videatur, serum aut pituita plenâ cruditate fruens, undè apud hos saburram gastricam, apud illos transpirationis suppressionem sequi dicitur, & ut pertinax decantatur, &c.: econtra catharrhum efficit eadem materies sed magis crassa, coctione aliquali jam subacta; undè hæc species minùs diuturna habetur, & catharrhum propriè dictum excipere vulgatur (b). Rheumatica plerùmque artis auxiliis indiget: catharrhalem verò sæpiùs sanat sola natura; ipsi referenda videtur magna pars *Hipp. præd.* (c)

19. (a) « Ubi topica materiæ rheumaticæ depositio erat, eaque parti cui-dam firmiùs inhæserat, optimo cum successu vesicans quàmproximè ad locum dolentem applicabatur. Sic in ophthalmiâ serosâ quam ad rheumatismos locales sive topicos pertinere superiùs dixi, vesicans ad tempora positum votis respondit. Hemicraniam ortam ex retropressâ ophthalmiæ serosæ materiâ vesicante penes locum dolentem applicato curavimus, quem unguento digestivo, addito pauxillo saponis, diù fluentem erosumque servavimus. » *Stoll.* (b) Id genus ophthalmiæ, inquit *St. Yves* apud *Trnka*, « acrem in oculo pruritum excitat, cum humoris crassi ac sabulosi oculos noctù subindè glutinantis excretionem; ægritudo hæc est sæpenumerò sequela catharrhi e cerebro, estque omnium curatu facillima. » . . . « Ophthalmia catharrhalis ut catharrhus per aliquot dies durat, & factâ coctione materiæ catharrhalis, humor puriformis ex oculo profluit, atque ophthalmia evanescit. » *Plenck.* Anne potius ad *spasmodicam* quam *pituitosam* referenda esset? (c) Oculi gramiosi optimum habent successum, si simul lacryma & gramia & tumor cœperint; aut si lacryma gramia permixta, neque vehementer calida fuerit, gramia verò alba & mollis, & tumor levis & solutus; his etenim sic se habentibus noctù oculus conglutinabitur, ut dolorem non sentiat, isque casus minimè periculosus, minimèque diuturnus fuerit; at si lacryma multa & calida, cum paucissimâ gramia & exiguo tumore, idque ex altero oculo profluat, valdè diuturnum id quidem, sed sine periculo fit, idque lippitudinis genus doloris expers est. Et in his præcipuè judicatio consideranda est, quæ prima quidem fit circa vigesimum diem, quod tempus si superat, quadragesimus dies spectandus est, aut si neque in his desinat sexaginta diebus solvitur. At toto tempore ad gramiam attentum esse oportet; nùm in digito misceatur, & alba ac mollis fiat: idque præcipuè sub judicationis tempus, tùm namque ubi finitur, id evenire solet, &c. *Hipp. l. 2, p. 101.*

Hæ ophthalmiæ exacerbationes non æquè conspicuas, ac *gastricæ* experiuntur (d). Ubi rebelles admodum sese ostendunt, præter auxilia jam enarrata ad derivantia deveniendum, qualia sialagoga, errhina mitiora (e), laxantia, diuretica, setacea, fonticuli, &c. Lippitudini proprius quàm ophthalmiæ accedit itfluxio illa, quam sic refert *Hipp.* de loc. in hom. p. 413. « quod si muco inter os & carnem subsistente, ex carne & osse in oculos fluxio decumbat, ex eo cognosces quod ex iis locis defluat. Quod in capite comprimitur cedit, & ulcera in capite erumpunt, oculique illachrymantur, palpebræ non exulcerantur, neque mordet fluxio, neque oculorum aciem hebetat, sed æger acutiùs cernit, siquidem fluxio minimè falsa est, cum de cerebro procedat, sed mucosa magis », &c. Ubi ejusmodi fluxio in palpebras, lippitudinem aut profluvium minus crassum procreans, pertinax evadit, derivantia usurpanda, v. g., fonticuli instituendi sunt in capite, sed ipsummet caput ad os usquè non secandum invito *Hippocratis* supposito, &c. De ophthalmiâ quæ symptomaticè febri catharrhali universali adjungitur nulla proferemus verba.

20. Ophthalmia quæ variolas excipit, impropriè dicitur variolosa; etenim ipsam à reliquiis morbi ad oculos depositis repetendam esse non sapit, qui septimanis aliquot post exsiccatas variolas sæpiùs numero exoriri, attender. Non mirum est oculos ventriculum à variolis peculiarem debilitatem nactos, diversi commatis ophthalmiæ inducendæ pares esse. Itaque colligenti produbilitates à priori & à posteriori, videtur ophthalmia variolosa, ad gastrico-pituitosas frequentius verò ad gastrico biliosas aut ad atonicam alias subsequenter, referenda. 1^o. A priori evincuntur probabiles, causæ prædictæ, observat enim *Richter* apud *Trnka*, has ophthalmias « *ma-lignarum* in primis variolarum esse progeniem, queis nec debita purgatio 4^o. in stadio, nec *perspiratio promota* vires fregit, maturiorque » carniū esus concessus est » & notante *Plenck* oriuntur ophthalmiæ post variolas, « præsertim si æger non benè purgatus fuerit aut auræ » frigida se nimis citò exponat. » 2^o. A posteriori, nam ægritudo hæc, aut facilè dissipatur, aut pertinaciter per annos vexat, illius curam adimplent evacuantia, tonica, *istius* demùm setacea, ulcera artificialia adstringentia, &c.

21. Ophthalmiæ siphiliticæ diversa occurrit species, alia quæ lui venereæ

(d) « Capitis dolorem sæpè numero ex abdomine provenire non infelicitè hariolabar, etsi omnia me signa deficerent malè habentis systematis gastrici, quod is solâ acerbitate per vices intensiori, suos à ventriculo natales proderet » *Stoll.* (e) « Medicamenta caput purgantia, quæ quidem sunt valentia à toto capite deducunt, quæ verò imbecilliora, ab oculis & indè à vicinis naso partibus. » De loc. in hom. p. 413, *Hipp.*

per totum corpus diffusæ symptomaticè superadditur, chronicum tenorem fervans, noctu gravior sub auroram remittens. Altera à contagio externo, rectà oculis applicato (a), aut à virulentâ gonorrhææ repressæ materiâ per metastasim ad oculos translata, oritur, non ita ac prior circa auroram remittit & citiùs incedit. Quæ biduò aut triduò post gonorrhæam suppressam sese effert, gravissima symptomata n. r. sibi adjungit, qualia in chemosi, stipant insuper fluxus humoris puriformis, materiæ gonorrhœicæ antea ex pene stillanti simillimi: opacitas corneæ, ejusdem excrescentiæ carnosæ in suppurationem properantes, hypopium, pustullæ exulceratæ palpebras rodentes, &c. Hæc ophthalmia difficillimè resolvitur, ut plurimum terminatur in suppurationem oculi interni, opacitatem corneæ & immedicabilem cæcitatem, *Plenck, Swediaur.* Huc impugnandæ apponuntur usus mercurii internus, balnea oculi mercurialia; excrescentiæ quæ in suppurationem abire solent, ferro extirpandæ; hypopio præsentē, si puriformis materiæ dissipatio, mediantibus discutientibus non succedat, corneæ excisione paretur ipsius exitus, *Swediaur.* Revocandæ gonorrhææ inprimis allaborandum est (b). Libertas ventris laxantibus servanda; litus mercuriales, non nisi post revocatam gonorrhæam & citrà salivationem conducunt: his auxiliis præmitti potest venæ-sectio; *ophthalmoxisis*, seu conjunctivæ scarificatio nil prodest, imò nocet, *Plenck.*

Ophthalmia à miasmate extus oculis applicato curatur usu mercurii externo & interno, sudoriferis, sanguisugis, vesicantibus propè oculos, &c.

21. (a) Contagium siphiliticum oculis immediatè transferre valent, oscula impura, digiti inquinati, aliaque: sic ex *Swieten* » adolescens quidam dudum consueverat singulo manè oculos abstergere urinâ calente, ut oculorum firmeret aciem. Contractam post gonorrhæam virulentam, ab hac lotionē oculorum non abstinuit, nihil mali sibi inde metuens; at citò sequebatur ophthalmia gravis ac venerea, cum acri involuntario lachrymarum fluxu & lippitudine, verum hæc mala iisdem remediis perfectè fuerunt curata, quibus ipsa gonorrhæa » Chirurgus Monspeliensis, referente D. de *Sauvages*, decumbendo supra pulvinar ptyalismo siphilitico conspurcatum, illam contraxit. . . . Factum sanè admodum ambiguum! *Trnka.* (b) Revocandæ gonorrhææ multa suppetunt media, qualia lotus emollientes peni perinæoque applicati, &c. nullum tamen magis efficax est, quàm illius inoculatio quæ ope cereoli contaminati & urethræ immissi perficitur; etsi alia via inoculandæ gonorrhææ sensus ægrorum magis titillare posset, non suadenda, nec secum agitet Medicus an malum sub respectu mobili quâ tale habendum sit. . . . Si le mal n'est que relatif l. eg. d. j. . . . Attamen *Pandoræ* capsula boni & mali commune erat receptaculum.

22. Scrophulosa labes teneram ætatem potissimum infestat : illa peculiaris acrimonia cum quâdam corporis debilitate conjuncta, debacchatur ubicumque excurrit systema glandulosum, ipsos oculos sæpè afficit, indè exoritur ophthalmia, cujus prosapia scrophulosa noscitur ex satellitio alicum symptomatum qualia, colli &c. glandulæ turgidæ induratae, pronum caput, labium superius turgens, nasus ipsemet pallidus & tumens, aut ruber & dolens; prætereà spissæ & tumidæ fiunt palpebræ, accedunt epiphora acrimoniosa, noctu conglutinatio tarforum, corneæ obscuratio, phlictenæ ulcuscula relinquentes, ectropium, &c. Hujus ophthalmiæ therapeia, in expungendo fermento scrophuloso, sopiendove aut saltem ab oculis avertendo, revellendo, versari debet. Hinc medela radicalis aut palliativa, utrique simul obtinendæ inserviunt, internè cortex peruvianus, præparata antimonialia mercurialia, saponés alkalini, cicuta conservæ, &c.; externè topica, ex peruviani corticis cum aluminoso sulfatè decocto, &c. revellentia, qualia setacea, fonticuli, vesicatoria. Ubi nulla adest complicatio, venæ-sectio & valida purgantia non conducunt, imò nocent *Plenck*, siquidem de viribus cortice peruviano & diætâ corroborante sustinendis agitur; sopitâ ophthalmiâ, ipsius recursus, interno specificorum usu per intervalla frequentato & in longum tempus protracto præcavendus.

23. Rubor levis oculorum & marginum palpebrarum, qui carcinomata exulcerata quocumque in loco corporis sita quandòque comitatur, dicitur ophthalmia cancrofa, cujus curatio, à carcinomatum curatione solis specificis impetranda pendet (a)... Ipsiusmet, bulbi in carcinoma fieri potest degeneratio, quæ, ophthalmiæ præposterè tractatæ, aut virus cancrofi ad oculos depositi, est effectus; fatum illud triste vario modo ingruit, nunc in oculo sano suboritur dolor, vasa adnatæ, varicosa, sanguine atro infarcta, quasi carnea redduntur, intereà visus perit. Dein dolor ingravescit, totus globus schirrosus, ac carni rubræ similis evadit, demùm per plura loca fœglossimè finditur. Nunc in cornea vel adnata enascitur fungus, sensim totam oculi superficiem occupans, bulbus itaque in ingentem fungum dolentem degenerat *Plenck*. In tali casu videndi facultate deperditâ, de vita servanda cogitetur; itaque incipiente morbo, omnia remedia anticancrofa, quæ præsertim desumuntur ex plantis venenatis quales cicuta, belladonna, &c. tentanda. Fungus parvus ligaturâ auferri potest, his non rectè succedentibus fiat oculi extirpatio, & in genere cultro potius quàm infidis medicamentis utitor (b).

23. (a) Ubi oculi & palpebrarum margines sic rubent, virus cancrosum per universum corpus jam dispersum esse, adeoque amputatione incurabilia carcinomata innuunt *Schmucker*, *Plenck*. (b) Carcinomata mediante aëre fixo seu gas acido carbonico (le gaz acide carbonique) sanata fuisse nullius me-

24. Ophthalmia ab arthritide aut podagra retrocessâ vel anomalâ sobolescens distinguetur ex eo quod alternet cum paroxysmis arthriticis, ita ut evanescente dolore articulorum illa accedat, redeunte dolore, illa recedat. Curatio exigit, ut revocetur materia arthritica, ad articulos, fotu calido emolliente, ad pedes, v. g., pediluviorum ope, sinapismorum applicatione. Dein aqua frigida roborentur oculi.

25. Ophthalmia quæ à metastasi materiæ alicujus exanthematici morbi, ad oculos depositæ nascitur, ex præsentē vel prægresso morbo, v. g., scabie herpete, capitis tineâ, &c., nascitur. Curatio exigit revocationem exanthematis, & ab oculis derivationem humoris acris. Revocant ad cutem, balnea tepida, v. g., ex aquis thermalibus, sudorifera, opium inprimis, miasmatis retrogressi inoculatio: derivant, revellunt pro suâ variâ sede, setacea, fonticuli, vesicatoria. Intereâ topica modicè adstringentia oculis applicanda & quodlibet exanthema suis specificis impugnandum.

Virium tenuitas, temporisque limites de ophthalmiis putridis, de ophthalmiis etiam complicatis silere jubent; adnotabimus solum ophthalmiam carbunculosa, gastrico-putrido nervosis accensendam esse, ipsiusque curam antisepticis & tonicis perfici, &c. Nunc quoque de peculiari medelâ accidentium quæ ophthalmiæ tanquam symptomata accedunt, aut ipsam tanquam effectus subsequuntur, nobis agendum esset. At illa accidentia, qualia schemoma, dolor summus, epiphora, lippitudo anchyloblepharum, pterygium, hypopium, ulcera, abscessus, ectropium, synizesis, corneæ maculæ, &c., tot ferè modificationes therapeutiæ quot diversæ ophthalmiæ extant causæ, requirentia, angustandos opusculi limites præterirent. Quare dumtaxat subnectemus epiphoram acrimoniosam non semper arguere ophthalmiæ causam humorem esse. Ipsam in genere à depositione acrimonie debellant primò interna specifica, diluentia: dein derivantia, qualia diuretica, fonticuli setacea, vesicatoria, topica inviscantia, &c. Epiphoræ à causâ nervosâ, v. g., atonicâ, medentur quoque fonticuli setacea vesicatoria, non quatenus labem acrimoniosam ad alia loca avocant, sed quatenus revellunt, componunt motus qui oculis vitiosè distributi, excernenda deturpant.

27. Vos, Patres Sapientissimi, gratiâ officii haud injusta verba proferentem, in rectam viam reducetis tironem, si errori debitum humanum solvit, dum suæ dissertatiunculæ affundere intendebat haustum, vestro, lumen de lumine.

menti testantur observationes; etenim si sola suppuratio, ipsius attamen neciam molem inorganicam solvere possit. Quid proderit gaz illud, ipsam potius coercere valens, torporem partibus affundens, ipsarumque sensibilitatem & irritabilitatem minuens? &c; at inter remedia quæ curæ palliativæ conducunt, non infimum obtinet subsellium.

F I N I S.

ARGUMENTABUNTUR

N. N. D. D. PROFESSORES REGII.

N. D. PAULUS-JOSEPHUS DE BARTHEZ, *Regis in Sacro
Consistorio Consiliarius, Universitatis Cancellarius & Judex.*

N. D. GASPARDUS-JOANNES RENÉ, *Decanus.*

N. D. ANTONIUS GOUAN, *Pro-Decanus.*

N. D. FRANCISCUS BROUSSONET.

N. D. FRANCISCUS VIGAROUS.

N. D. JOANNES SABATIER.

N. D. JOANNES-CAROLUS DE GRIMAUD.

N. D. HENRICUS-LUDOVICUS BRUN.

MONSPELII;

Apud JOANNEM-FRANCISCUM PICOT, Regis & Universitatis Medicinæ
Typographum unicum.

M. D C C. L X X X V I I I.

ARGUMENTA

M. N. D. D. PROFESSORES REGII

M. D. TULLIUS-IOSEPHUS DE BATHEN, Regius Professor
Cognatus, Distinguitur Causis in 3. libris

M. D. CASIMIRUS-JOANNES DE LINS, Distinguitur

M. D. ANTONIUS GOUAN, Regius Professor

M. D. THOMASUS-PROSPERUS DE

M. D. FRANCISCUS-ALBERTUS

M. D. JOHANNES-BAPTISTA

M. D. JOHANNES-CAROLUS DE CRIMINALI

M. D. BENEDICTUS-PROSPERUS DE

MONASTERII

Acta Laurentii-Francisci de Regio, 1. et 2. libris in 3. libris

M. D. C. C. L. X. X. I. I.